

Den memoria di Sra. Christina van den Berg-de Freitas

Cu dolor den curason a anuncia recien e fayecimento di Sra. Christina van der Berg-de Freitas. Sra. van den Berg-de Freitas tabata casa, mama y wela pa su sernan keru. Publicamente, Sra. van den Berg ta conoci principalmente pa su servicio na comunidad, ambos como e prome presidente di Stichting voor Verstandelijk Gehandicapten Aruba (SVGA) y tambe como Gobernador suplente di Aruba.



Sra. Christina van den Berg-de Freitas tabata e prome presidente di SVGA for di su establecimiento na 1964, y el a mantene e rol aki te cu 2016, dedicando 52 aña di su bida pa aporta na personanan den nos comunidad cu discapacidad intelectual cu amor y pasion. Durante e periodo

aki, e centro di cuida Pasadia Bibito Pin, Skol Dununman, Centro Man na Obra, Pasadia Briyo di Solo y Cas Sjabururi a ser estableci. E dedicacion di Sra. Christina van den Berg pa sigura un bida feliz y cu dignidad pa hende cu discapacidad intelectual na Aruba no por ser compara.

Banda di esey, Sra. van den Berg-de Freitas a funciona como Gobernador suplente di Aruba entre 2001 pa 2008, durante e terminonan di ex-Gobernador Olindo Koolman y Fredis Refunjol.

Sra. Christina van den Berg-de Freitas ta sobrevivi pa su



yiunan, nietonan y demas famia de Freitas, de Cuba, Gerritsen, Eisenburger, Riaz, Palflit, Gouveia, de Hartog. Bon Dia Aruba ta duna condolencia na su famia durante e periodo tristo aki.

Nota: Algun potret di Sra. Christina van den Berg-de Freitas durante un bishita Real na SVGA. Durante e

bishita di Reina Beatrix na comienso di añanan 1980, Sra. van den Berg-de Freitas a entrega un dossier di proyecto na e reina.

Esaki a resulta den e obtenicion di fondo pa e establecimiento di kico awo ta Pasadia Bibito Pin, Centro Man na Obra, Pasadia Briyo di Solo y e gymzaal di SVGA.

Participacion di artistanan di Aruba na exposicion na Barcelona



Na luna di september dos artista di Aruba Sra. Angela Baidez y Sra. Mirella Koolman-Thielman a wordo invita, a base di nan obranan scogi riba e foro di arte digital di Museo el Prado di Madrid, pa participa na un exposicion en bibo na Barcelona. E tabata trata di e exposicion "Huellas de Cataluña" bou auspicio di y na e cede mes di FEDELATINA. Esaki ta un Federacion di entidadnan Latinoamericano na Cataluña.

E exposicion a habri dia 13 di september y a keda pa un luna pa por bishite. Sra. Baidez y Sra. Koolman-Thielman ambos a haya certificadonan di participacion y a representa Aruba, mientras acompaña



pa artistanan di otro islanan di Caribe y paisnan di Latino America. Pues un bon momento cu Aruba su nomber a bay internacional bou di un delegacion prestigioso y selecta, y dimes exponi na tur bishitante di e exposicion. Bou di un esfera hopi uni e artistanan a apoya otro y pasa

un bon tempo hunto. Sra. Baidez y sra. Koolman-Thielman ta yama un danki grandi na het Cultuurfonds Caribisch Gebied cu a apoya cu costonan di vuelo y estadia, cu ta cay bou di un areglo fiho cu e fondo tin pa artista haya chens pa internacionalisa.

**ORARIO DI
LOKET WEB
OCTOBER 2024**

LOKETNAN DI SERVICIO

Durante luna di october, a ahusta orario di oficina di nos loketnan di Servicio na Cliente*. Esaki ta en conexion cu training di nos personal pa e sistema di cliente nobo.

Bo kier bishita WEB?

Check nos orario di oficina ahusta akinan.

Scan y Controla



**NOS TA BAY
PA UN 10!**

webaruba.com - 280-4600



*Esaki no ta conta pa loketnan di MFA y ELMAR.